

吕祖本草经

爾時祖師告諸眾曰：

“吾游觀大地，見世人皆有病，此病原非湯藥可療、針灸可治，如胸腹有蛇、膏肓有鬼，痼疾沉疴，傷生促壽，雖神醫不可愈也！吾由是憫之，為世人對症立方，按病下藥，深費苦心勸之，宜服者八藥，汝等其靜聽之。”

世人有病不知因，特立奇方妙若神。

惟勸世人須久服，莫負吾仙一片心。

孝味甘緩性平溫，能填骨髓固本根。

培養先天多服妙，悅人顏色并延齡；

悌味甘咸性帶溫，能調血氣補心神。

手足不和宜久服，上能濟火下滋陰；

忠信佳者味微辛，能通肺腑壯精神。

虛人反復宜常服，止咳消痰治失音；

仁義一團味甘溫，寬胸益氣治虛疼。

腹內毒蟲俱可化，強筋健骨又生精；

讀書味苦性微溫，能通心竅治眼昏。

腹內空虛宜早服，消除鄙氣益聰明；

教子微寒味苦辛，馨香悠久乃為真。

能去風邪除外感，四肢血脈自調勻；

積善味甘性緩溫，寬中益氣通神明。

不拘老少皆可服，延年益髓又添精；

知命味淡能定心，去躁除煩火自平。

虛熱不眠宜服此，夜夢魂魄亦安寧。

爾時祖師諸眾曰：

“以上八味，真治病之良方也，世人不可不服，故勸之。其有宜戒者，亦八味并列於後。”于是說曰：

色味虽甘毒最深，能走精氣耗元神。
損人肌肉成癆疾，服之不已定傷生；
暴味太烈熱能昇，助火動氣躁難平。
若非温緩和平濟，必至發狂損害人；
貪味似甘實苦辛，中有大毒能昏神。
令人迷惑不知返，服之必有大患生；
杀味有毒極酸辛，大傷元氣促年齡。
求补反削終何益，令人惑亂損真陰；
心術味咸毒在陰，狀如蛇蝎善螫人。
此物中人人必死，切忌陰邪喪命根；
口業味酸又帶辛，其中有毒在聲音。
令人舌强兼口利，慎勿輕出反害人；
刀笔味辣毒尤深，能黑臟腑損肺心。
胸中有物如芒刺，謹防吐出便傷人；
爭訟味苦最伤心，既損皮肉又勞神。
令人狂忿添憂悶，服之不已性命傾。

爾師祖師告諸眾曰：

“此八味者，傷人之毒藥也，世人不可不忌，故戒之。吾見有病者，正言易厭，戲言易悅，故作本草歌括以嘻笑而出之，或有听聽而易悅，能勸能戒，庶不負吾救世之苦心也。爾大眾將此諸說刊布廣傳，務使人人曉悟，若有能以善書傳一人者，当十善；傳十人者，当百善；傳大富貴、大豪杰者，当千善；捐資重刻，廣布無窮者，萬萬善。世人果能互相勸勉，吾必將眾等功德，保奏天庭，則生生世世，永獲福祿無涯矣。為此特論。”